

*Ustavno povjerenstvo/Ustavna komisija*

*Уставна комисија*

Broj: 01/1-02-1078/24-1  
Sarajevo, 17. 5. 2024. godine

PREDSTAVNIČKOM DOMU  
PARLAMENTA FEDERACIJE BOSNE I HERCEGOVINE

Bosna i Hercegovina  
Federacija Bosne i Hercegovine  
**PARLAMENT FEDERACIJE  
SARAJEVO**

|            |            |         |            |
|------------|------------|---------|------------|
| Primljeno: | 20-05-2024 |         |            |
| Org. jed.  | Broj       | Priloga | Vrijednost |
|            |            |         |            |

Ustavna komisija Predstavničkog doma Parlamenta Federacije održala je 17. 5. 2024. godine 8. sjednicu na kojoj je razmatran sljedeći:

### DNEVNI RED

1. Razmatranje Inicijative broj: 01-02-344/24 od 29. 1. 2024. godine zastupnika Dragana Miokovića,
2. Tekuća pitanja.

U skladu sa čl. 44. i 57. Poslovnika Predstavničkog doma Parlamenta Federacije BiH, Ustavna komisija podnosi naslovu sljedeći:

### IZVJEŠTAJ

#### Ad 1.

#### **Razmatranje Inicijative broj: 01-02-344/24 od 29. 1. 2024. godine zastupnika Dragana Miokovića**

Dana 30. 1. 2024. godine iz Kabineta predsjedavajuće Predstavničkoga doma upućena je Inicijativa broj: 01-02-344/24, od 29. 1. 2024. godine, zastupnika Dragana Miokovića, zajedno s izjašnjenjem Zakonodavno-pravne komisije Predstavničkog doma broj: 1/2-02-2549/23-4, od 3. 11. 2023. godine.

Podnosilac Inicijative traži od Ustavne komisije Predstavničkoga doma Parlamenta Federacije Bosne i Hercegovine da razmotri činjenicu jesu li radne grupe za provođenje postupka izbora sudije Ustavnog suda BiH, kojeg bira Predstavnički dom Parlamenta Federacije Bosne i Hercegovine, a koje su imenovane 6. 6. 2022. godine i 26. 1. 2023. godine, imenovane u skladu s Poslovníkom Predstavničkoga doma i Odlukom o postupku izbora sudija Ustavnog suda BiH koje bira Predstavnički dom Parlamenta Federacije Bosne i Hercegovine (u daljnjem tekstu: Odluka o izboru sudija) ("Službene novine Federacije BiH", broj: 6/05). Istom se inicijativom traži podnošenje izvještaja o tome je li na takav način narušena propisana procedura i diskreditovan proces koji je



prethodio sačinjavanju rang-liste te da li je potrebno ponoviti proceduru izbora sudije Ustavnog suda BiH kojeg bira Predstavnički dom.

Članovima Ustavne komisije i ovlaštenom predlagaču su, uz poziv, Inicijativu i Izjašnjenje Zakonodavno-pravne komisije, dostavljeni svi materijali vezani za izbor sudije Ustavnog suda BiH kojeg bira Predstavnički dom, počevši od njegovog pokretanja, preko odluka o imenovanju radne grupe i drugog popratnog materijala, kao i teksta javnog konkursa, ustavnih i zakonskih propisa pa do Izvještaja Radne grupe, s konačnom rang-listom kandidata s bodovima i biografijama kandidata.

S obzirom na to da se ovom Inicijativom traži preispitivanje poslovničke procedure imenovanja Radne grupe i cjelokupnog procesa izbora sudije Ustavnog suda BiH, a imajući u vidu da je Poslovnik Predstavničkog doma ustavna kategorija, Ustavna komisija je nadležna za razmatranje ove Inicijative.

#### 1. Opće odredbe o aktima

Odlukom o imenovanju Radne grupe za provođenje postupka izbora sudije Ustavnog suda BiH kojeg bira Predstavnički dom Parlamenta Federacije BiH, koja je donesena 6. 6. 2022. godine, imenovani su: Mladen Bošković - za predsjednika, Ismet Osmanović i Samer Rešidat - za članove u ime Komisije za izbor i imenovanje Predstavničkog doma te Hakija Zajmović i Božana Banduka - kao dva člana u ime Udruženja sudija Federacije Bosne i Hercegovine. Odluku je donio Predstavnički dom nakon što je prethodno Komisija za izbor i imenovanje jednoglasno utvrdila da ova tri člana budu u ime Komisije za izbor i imenovanje, a dva člana ispred Udruženja sudija Federacije BiH, kako je to propisano tačkom III. Odluke o izboru sudija.


Dana 26. 1. 2023. godine imenovani su novi članovi u Radnu grupu, a to su: Mladen Bošković – predsjednik te Rasim Smajlović i Irfan Durić - članovi. Odluku je donio Predstavnički dom. Prethodno je Komisija za izbor i imenovanje sa 9 glasova *za* zamijenila članove iz prethodnog saziva Predstavničkog doma.

Odredbama Poslovnika Predstavničkog doma Parlamenta Federacije Bosne i Hercegovine je propisano da Predstavnički dom **donosi** odluke.

S tim u vezi, u skladu sa članom 44., a u vezi sa odredbama člana 57. Poslovnika Predstavničkog doma, Ustavna komisija je od 9 prisutnih članova, sa 7 glasova *za*, 2 glasa protiv i nijednim suzdržanim dala sljedeće:

### MIŠLJENJE

- 1. Ustavna komisija smatra da je procedura izbora sudije Ustavnog suda BiH kojeg bira Predstavnički dom Parlamenta Federacije Bosne i Hercegovine izvršena u skladu sa Ustavom Bosne i Hercegovine, Poslovnikom Predstavničkog doma i Odlukom o postupku izbora sudija Ustavnog suda BiH koje bira Predstavnički dom Parlamenta Federacije Bosne i Hercegovine.**



PREDSJEDNIK KOMISIJE

dr. Mladen Bošković